



**MAJLIS PENGETUA SEKOLAH MALAYSIA
(CAWANGAN PULAU PINANG)**

LATIH TUBI SPM 2021

**BAHASA MELAYU
KERTAS 1
DUA JAM**

JANGAN BUKA KERTAS SOALAN INI SEHINGGA DIBERITAHU

1. Kertas soalan ini mengandungi **dua** bahagian: Bahagian A dan Bahagian B.
2. Jawab soalan **Bahagian A** dan **satu** soalan daripada **Bahagian B**.
3. Jawapan anda hendaklah ditulis di dalam kertas jawapan anda sendiri.
4. Jawapan boleh ditulis dalam tulisan Rumi atau Jawi.

Latih tubi SPM ini mengandungi 4 halaman bercetak

[Lihat halaman sebelah

TERHAD

BAHAGIAN A

[30 markah]

[Masa dicadangkan : 30 minit]

Maklumat di bawah ini berkaitan masyarakat penyayang.

Huraikan pendapat anda tentang budaya masyarakat penyayang di Malaysia.

Panjangnya huraian anda hendaklah antara 150 hingga 200 patah perkataan.

Sasaran: 500 keluarga

- Ambil berat
- Bertanggungjawab
- Rajin membantu
- Baik hati
- Toleransi
- Pemurah
- Prihatin
- Bertimbang rasa
- Bekerjasama
- Belas kasihan

- Dapat mewujudkan suasana aman dan harmoni.
- Dapat memperkukuh perpaduan.
- Dapat mengeratkan hubungan antara anggota masyarakat.
- Dapat meringankan beban golongan yang kurang nasib baik.

*gambar sebagai ilustrasi sahaja.

Kita.fund/tabungcovid19

Sumber : Internet

Bahagian B

[70 markah]

[Masa yang dicadangkan : 1 jam 30 minit]

Pilih **satu** daripada soalan di bawah ini dan tulis sebuah karangan yang panjangnya antara **350 hingga 500 patah perkataan**.

1. Teknologi Internet membentuk satu konsep kerjaya baharu iaitu masyarakat boleh menjanakan pendapatan menerusi laman sesawang yang ditawarkan. Kerjaya itu dinamakan sebagai *freelancer* yang berkonsepkan ekonomi gig. Secara definisinya *freelancer* ditakrifkan sebagai individu yang berdiri di atas kaki sendiri apabila mereka tidak mempunyai pendapatan tetap tetapi beroleh pendapatan jika menerima tawaran kerja. Seorang *freelancer* boleh menyiapkan tugas di rumah selagi mereka boleh mengakses Internet.

Sumber : Internet.

Petikan di atas menerangkan penggunaan Internet sebagai antara punca pendapatan seseorang.

Jelaskan peluang-peluang kerjaya yang boleh diteroka dengan menjadikan Internet sebagai medium.

2. Memotong di sebelah kiri ialah perbuatan yang berbahaya. Mengapa? Secara normal, pemandu kenderaan-kenderaan besar akan cenderung membelok ke kiri jalan apabila berlaku situasi mencemaskan. Saya pernah melihat sebuah motosikal merempuh sebuah jentolak di persimpangan jalan kerana perbuatan ini. Selain itu, simpang jalan juga bukanlah lokasi terbaik untuk memotong kenderaan. Ada banyak kes penunggang motosikal dirempuh kenderaan lain yang mahu keluar atau masuk simpang. Anda perlu berhati-hati sewaktu menunggang motosikal di jalan raya.

Sumber : *Buku Teks Tingkatan 5*, halaman 148,
Kementerian Pendidikan Malaysia

Kemalangan jalan raya kerap berlaku terutamanya melibatkan penunggang motosikal yang kebanyakannya terdiri daripada golongan belia. Oleh sebab itu, kepentingan mempelajari ilmu keselamatan jalan raya telah didedahkan kepada murid ketika alam persekolahan lagi.

Bincangkan kepentingan-kepentingan mempelajari Pendidikan Keselamatan Jalan Raya (PKJR) terhadap murid-murid sekolah.

3. Walaupun kepentingan senaman dan faedah daripada senaman yang kerap jelas diketahui umum namun penglibatan masyarakat dalam aktiviti senaman agak membimbangkan. Fenomena ini turut merisaukan pelbagai pihak kerana kita dapati masalah kegemukan menjadi ancaman penyakit dan isu kesihatan yang hangat dibicarakan. Ramai dalam kalangan wanita yang mengalami obesiti akibat daripada kurangnya aktiviti fizikal. Oleh itu, senaman adalah sebagai salah satu cara bagi membantu mengawal berat dan memperbaiki bentuk badan, menghalang atau melengahkan penyakit kronik, melewati proses penuaan dan meningkatkan keyakinan diri.

Sumber : Dipetik daripada *Penjagaan kesihatan menerusi senaman dari perspektif Islam: Kajian terhadap persepsi pelajar Sarjana Muda Sains serta Pendidikan (Sains Sukan) Nur Syamimi binti Azizan, Universiti Teknologi Malaysia*

Petikan di atas menyatakan seseorang perlulah menjaga kesihatan diri agar dapat melaksanakan aktiviti harian seperti biasa.

Huraikan langkah-langkah untuk menjaga kesihatan diri.

4. Rumah tradisional Melayu adalah antara seni bina terawal yang merupakan tempat kediaman tradisional masyarakat penduduk asal etnik Melayu di Semenanjung Tanah Melayu, Singapura, Sumatera dan Kalimantan. Sehingga kini, kita masih lagi dapat melihat rumah-rumah tradisional ini berdiri dengan kukuh di kawasan-kawasan kampung atau pedalaman. Namun begitu, akibat arus pemodenan dalam seni bina moden di bandar-bandar besar, terdapat rumah tradisional yang terbiar tanpa penjagaan.

Sumber: Internet

Petikan di atas menyatakan bahawa banyak rumah dan bangunan tradisional Melayu yang terbiar tanpa penjagaan pada masa ini. Atas kesedaran pentingnya memelihara warisan tradisional ini, anda ingin menulis rencana tentang langkah-langkah memelihara rumah tradisional Melayu.

Tulis rencana tersebut selengkapnya.

-- KERTAS SOALAN TAMAT --